



UNIVERSITÄTS-  
BIBLIOTHEK  
PADERBORN

**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

Dvb. 1. Quid sit deuotio.

---

[urn:nbn:de:hbz:466:1-72459](#)

## C A P V T X X X V I I .

## De actibus internis Religionis, Deuotione &amp; Oratione.

Complectitur Dubitationes 12.

*Actus religionis interni & externi.*

**D**IUVVS Thomas enumerat varios actus religionis, alias internos, alias externos. Internos ponit duos, *deuotionem & orationem*. Externos facit reliquos, *adorationem, sacrificium, oblationem, primitiarum & donorum, oblationem decimarum, votum, iuramentum, adiurationem, laudem*; quibus infra adiungit *gratiarum actionem*, quae duo postrema commodè sub oratione comprehendi & tractari possunt. nam secundum D. Thomam quest. 83. art. vlt. *gratiarum actio* est pars orationis; similiter laus, quae ferè semper petitioni miscetur, ad orationem pertinet, tamquam pars vel species quædam illius.

*Cur oratio inter actus internos.*

Dices, *Adoratio, votum, iuramentum*, non minùs actu interno fieri possunt quam oratio, & oratio non minùs actu externo quam illa: cur ergo illa potius inter actus externos numeratur quam oratio? Rursus, *reuerentia* non minùs est actus internus religionis quam *deuotio*, cur ergo reuerentiam prætermisit? Respond. Ideò D. Thomas *orationem* inter actus internos posuit, quia consistit in elevatione mentis ad Deum, quæ interna est, & maximè requirit internam attentionem assiduum. *Adoratio* humana (de qua diuus Thomas loquitur) consistit in signis externis honoris & submissionis sui. *Votum* eti Deo fiat, tamen non requirit mentis elevationem, nec attentionem internam, prater eam quæ necessaria est ut homo aduertat quid agat. *Iuramentum* refertur ad homines, & idèo in actu externo consistit. Quodad *Reuerentiam* attinet, hoc nomen duplice accipi solet. Primò, ut significet omnem honoriam submissionem. Sic dicimus alicui exhibere *reuerentiam*, dum ei caput aperimus, genua flectimus, corpus inclinamus; quo modo non est actus distinctus ab adoratione, & interior affectus reuerentiae nihil est aliud quam affectus adorandi. Secundo, ut denotet quendam timorem & fugam animi, quæ quis fugit in rebus diuinis nimiam libertatem & licentiam, metuitque ne nimis liberè, nimis audacter, non satis humiliter, non satis congruenter tanta Maiestati, & sua utilitatibz in rebus diuinis & coram Deo versetur. Sic Seraphim duabus alis velabat pedes, & duabus faciem ex reuerentia diuina Maiestatis, Isaïæ 6. Sic Moyses & Prophetæ loquentes cum Deo cedebant in faciem, non audentes ex aduerso intueri formam in qua Deus loquebatur. Hoc modo est actus internus religionis: quia *religio* non solum inclinat ad cultum Deo exhibendum, sed etiam ad conuenienti modo exhibendum. Vnde fugit omnem modum, qui indicat minorem estimacionem Dei, & minorem sui demissiōnem; ut est, nimis liberè, sine cura, sine circumspectione, sine attentione diuina tractare. Itaque hic actus est generalis, & in omni religionis opere comitari debet. Omnis enim Dei cultus postulat, ut cum debita reuerentia fiat. Simile cernitur in actibus obser-

vantia erga Principes; quia etiam hi cum reuerentia illorum dignitati accommodata fieri debent. D. Thomas autem non numerat *reuerentiam* inter actus religionis: quia agit de actibus particularibus, non de generali, qui in omnibus reperiiri debet. Deinde loquitur de actibus imperatis proxime à religione, quibus Deus colitur, non de ipso affectu elicito, quo homo inclinat & eligit diuinum cultum, aut fugit ea quæ diuino cultui non congruent.

## D U B I T A T I O I .

*Quid sit deuotio.*

D. Thomas quest. 82.

**R**ESPONDEO, Hoc nomen dupl. 1 citer accipi. Primò, ut significet *Quo modo specialem actum religionis*; & sic *peculiaru. sit actus deuotio* nihil est aliud, quam interna quædam sui ad cultum diuinum oblatio & traditio. sicut enim qui alicuius Principis obsequio totum se tradit & deuouet, deuotus dicitur illi Principi; ita qui ex affectu cultus & honoris diuini se torum mancipat Deo, facit actum peculiarem religionis, qui dicitur *absolutæ deuotio*, & à quo dicitur quis Deo deuotus. Potest autem id fieri vel cum voto, vel sine voto: si cum voto vel iuramento fiat, nascitur obligatio; eritque deuotio magis perfecta; si autem fiat absque tali vinculo, non inducit obligationem; quia fieri solo proposito, & huius propositi explicatione: sicut dum homo explicare volens suum affectum & animi propositum, dicit Principi, Me totum trado tuo obsequio. vnde diuus Thomas art. 1. ad primum, recte dicit *deuotionem esse actum voluntatis hominis offerentis se ipsum Deo ad eius seruendum*. Quod intelligen de se folio actu voluntatis elicito, sed etiam imperato, quia oblatio sui non fit sola voluntate, sed necessarius est actus intellectus, veluti locutio quædam, quæ quis seipsum Deo tradat & addicat, sicuti in promissionibus, votis & donationibus, quæ non sola voluntate perficiuntur.

Secundò, Accipitur non pro actu peculiari, sed 2 pro conditione quædam actus interni. sic *deuotio* *Quo modo nihil est aliud, quam promptitudo quædam, & fervor* *actus rel. sit conditio* *affectus ad cultum diuinum*, v.g. ad orationem, gionis. ad laudem, ad sacrificium, ad adorationem, ad soluenda vota, &c. vel affectus ad hæc promptus & feruens: quicunque enim promptè & feruenter hæc affectant & faciunt, dicuntur deuoti; id que mieritò, qui ostendunt se esse addictos & mancipatos diuino cultui. *Promptitudo* requiritur ut superentur omnes difficultates, timores & perturbationes, quæ hominem ad cultum Dei lentum faciunt: & consistit in affectu aboluto & delibera- rato vincente omnem timorem, fugam, & tergi- uerla-

uerfationem voluntatis ; ita ut nihil amplius illam retardet ab executione , quando occasio se offert . Quod etiam feruor (qui nihil est aliud quam intentio , & vehementia affectus ) requiratur , patet : nemo enim tepidos in oratione cultuque diuino , deuotos dixerit ; sed eos tantum , qui feruenti affectu hoc præstant . Vnde deuotè orare nihil videtur esse aliud , quam cum feruenti affectu erga Deum orationem fundere .

<sup>3</sup> *Syndicat.* Nascitur vtraque deuotio ex parte nostra , ex contemplatione , præsertim duplice . Primo , Ex consideratione diuinæ excellentiæ , & beneficiorum , quæ tamquam ex perenni fonte in nos affluit ab illa promanant . hinc enim videmus ipsum omni cultu & obsequio esse dignissimum , ipsiusque beneficia à nobis hæc affluti flagitare . Secundò , Ex consideratione inopiae & miseriae , quam ex nobis habemus : ex hac enim videmus nobis esse maximè congruum & expediens , ipsi seruire : nam nemo preter illum nos iuare & beare potest . vi de D. Thomam quæst. 82. art. 3.

## D V B I T A T I O II.

*Quid sit oratio.*

*Oratio quid.* R Espondeo , Omissis variis definitionibus , commode sic definiri potest : *Oratio est desiderij coram Deo explicatio , ut aliquid ab ipso imptremus .* Colligitur hæc definitio ex artie . 1. & 3. & ex Patribus . Basilius orat . in Iulittam martyren : *Oratio est boni cuiusdam petitio , que à piis ad Deum effunditur .* Damascenus lib . 3. De fide orthodoxa c . 24. *Oratio est ascensio mentis in Deum , sive decen- tium à Deo petitio .*

<sup>4</sup> *Tres actus in oratio- nes .* Vbi aduerte , in oratione tres actus spectari posse . Primus est , Desiderium nostrum , quo bonum aliquod nobis aliifice conferri , aut malum auerti desideramus . Secundus , Huius desiderij practica quedam explicatio , qua Deum conamur inducere & permouere vt id ptaſſet ; qua nihil aliud est quā petatio quedam : cùm enim in potestate voluntatis nostræ non sit immediatè applicare diuinam virtutem , seu potentiam executiuam Dei ad operandum , sicut vires animæ nostræ ad operandum applicamus : neque etiam mediata & efficaciter , imponendo obligationem , sicut inferiorum applicamus , dum ei imperamus , & imperio illi obligationem imponimus , restat vt solum id possumus mediata & per modum deprecationis seu petitionis , quod fit explicado desiderium . Tertius , Collatio boni desiderati , ex hisce tribus oratio propriè est illa petitio , seu practica explicatio desiderij . per hanc enim conamur Deum permouere & inducere ad beneficiendū . Hinc Patres dicut *orationem esse colloquium cum Deo , vt D. Gregorius Nyssenus orat . 1. de Orat. Dominic. & D. Chrysost. lib . 1. de orando Deum .*

<sup>5</sup> *Oratio sive locutio quædam & actus rationis praeterea .* Ex his pater Primò , Orationem esse immediatè actum rationis : nam petitio est locutio quædam , qua desiderium nostrum explicamus ; locutio autem interna est actus rationis , & consequenter etiam externa , qua ab interna procedit , est rationis actus .

Patet Secundò , Est actum rationis practicæ , quia hæc locutio non fit vt Deus nostrum desiderium intelligat , sed vt eā permouatur ad rem desideratam præstandam . Vnde in ea consideratur

quædam vis mouendi & applicandi ad opus . Sicut enim iudicio práctico & interna vel externa locutione seipsum homo ad aliquam functionem ordinat & dirigit , ita etiam alium : nempe imperando vel deprecando ; quorum utrumque locutio quædam práctica est .

Nec oblitus , quod à Damasco dicatur *oratio , 6 mentis in Deum eleatio , & à D. Augustino Sermo ne 230. de tempore , ascensio anima de terrestribus ad caelestia , inquisito supernorum , inuisibilium desiderium ;* hæc enim causaliter vel concomitantē accipienda sunt . oratio enim ex natura sua oritur ex desiderio inuisibilium , & intrinsecè coniuncta est cum elevatione mentis ad Deum . Vnde qui sine elevatione mētis orat , solum verbis orat : non enim possumus mente colloqui cum Deo , nisi mentem ad eum eleuenimus , cumque quasi præsentem in tecumur .

Pater Tertiò , Orationem esse actum religionis ; <sup>7</sup> nam per illum testamur ipsum esse auctorem bonorum nostrorum , & nos esse ipso inferiores , eoq ; egere ; hoc enim includit petitio seu deprecatio . Hinc fit vt superbi agrè orient . Deinde testamur , ipsum omnia scire in particuli , omnium habere prouidentiam & dispositionem , omnia posse , omnium misereri , &c .

Dices Primò , Oratio est actus spei : ergo non *obiecitio 1.* religionis ; nam idem actus non potest esse duarum virtutum .

Respondeo Primò , Idem actus non potest esse <sup>8</sup> elicitus immediatè à duabus virtutibus distin- *Respon. 1.* catis : quia non potest habere duas rationes formales speciales , aut duplicem speciem intrinsecam essentialē : potest tamen à duabus imperati , quia in uno opere externo duplex ratio honesti confiderari & appeti potest : potest enim quis dare ele- molynam , tum vt proximi miseriam leuet , qua ratione erit actus misericordiæ ; tum vt votum persoluat , & sic erit opus religionis . Simili modo potest quis orare vt Deum honoret , & vt gratiam im- petret .

Respon . Secundò , Orationem explicitè & formaliter esse actum spei , sed implicitè & interpretatiuè esse actum religionis : quia non fit expressè ad Deum honorandum , sed ad impetrandum : implicitè tamen redundat in honorem Dei . Vnde ad orationem necesse est concurrere internum actum spei , non autem internum religionis , saltem explicitè : quia non est necesse habere expressam voluntatem Deum honorandi : quamvis debeat adesse voluntas faciendi id , quod in honorem Dei cedit , quæ voluntas implicitè censetur esse voluntas honорandi Deum . Vnde apud omnes gentes oratio habetur pro cultu Numinis .

Dices Secundò , Deus est immutabilis , ac pro- *obiecitio 2.* inde orationibus nostris permoueri nequit : frustra ergofunduntur . Confirmatur , quia ab aeterno omnia sunt decreta & immutabiliter constituta : ergo orationes , quæ sunt in tempore , nihil possunt mutare .

Respondeo , Deus non potest ita permoueri ora- *Respon.* tionibus , quasi nunc incipiat velie quod anteà *Inmuta- bilitas Dei.* nolebat , aut non volebat : hoc enim repugnat immutabilitati eius , ad quam requiritur vt omnis *orationes* volutio etiā libera fuerit ab aeterno in illo , siq ; immutabiliter duratura in aeternum . Dicitur tamen *sicut .* Deus permoueri orationibus , quia præuis orationibus multa voluit & statuit ab aeterno , que alioquin